

1700-ԱՄՅԱԿԻՆ ԸՆԴԱՌԱՋ. ՏՐԴԱՏԻ ԱՆՏԱՌ

Վերջին ամիսներին ծրագիր է մշակվում խոր Վիրապի շրջապատում 17.000 ծառերի անտառ տնկելու՝ ի փառավորումն 1700-ամյակի տոնակատարությանը։ Այս հարցի բազմակողմանի ֆենարկման համար 1700-ամյակի գործադիր վարչության և մի քանի պատասխանատու անձների հետ սույն թվականի մայիսի 19-ին Մայր Աթոռ Սուրբ Էջմիածնում տեղի ունեցավ խորհրդակցական ժողով, որին մասնակցեցին 1700-ամյակի գրասենյակի գործադիր վարիչ-հարտողար Տ. Մեսրոպ արքեպս. Աշնյանը, Գործադիր մարմնի անդամներ Տ. Ասողիկ եպս. Արիստակեսյանը, Գրիգոր Խանջյանը, ինչպես նաև խոր Վիրապի վանահայր Տ. Մխիթար քհն. Սարիքեկյանը, Պատմական հուշարձանների պահպանության հայկական ընկերության նախագահ պրոֆ. Վարազդատ Հարությունյանը, Հայաստանի պատմական և մշակութային հուշարձանների պահպանման և զգալիության վարչության պետ պրոֆ. Կոյուն Դաֆադարյանը, Հնագիտության և ազգագրության գիտահետազոտական ինստիտուտի տնօրեն պրոֆ. Արամ Գալանթարյանը, նույն ինստիտուտի բաժնի վարիչ Ժորես Խաչատրյանը, «Հայանտառի» գլխավոր տնօրենի տեղակալ Ռուբեն Պետրոսյանը և Ամերիկայի Հայկական համագումարի Հայաստանի «Մոռատունկ» ծրագրի կառավարիչ Արթուր Հայրումյանը։

Ժողովի նախագահ Տ. Մեսրոպ արքեպս. Աշնյանը Վեհափառ Հայրապետի անունից ողջունեց ներկաներին և ծանոթացրեց խոր Վիրապի շրջակայքում Տրդատ քաղաքի անունով անտառ տնկելու ծրագրին։ Ժողովը մանրամասն ֆենարկեց առաջարկված ծրագիրը։ Եվ քանի որ այդ նույն տարածքում, որտեղ նախատեսվում է անտառ տնկել, գտնվում է Հայաստանի պատմական մայրաքաղաք Արտաշատը, կարծիքների փոխանակությունից հետո համձմեռողովը որոշեց մինչև հուլիսի 31-ը ներկայացնել մի նախագիծ՝ նշված այն տարածքներով, ուր հնարավոր է տնկումներ կատարել, և որը չի վնասի Արտաշատ մայրաքաղաքի հետագա պեղումներին ու պատմամշակութային առումով նրա պահպանմանը։ Վերջնական արդյունքներից հետո ծրագրեր կմշակվեն խոր Վիրապի կանաչապատման և շրջակայքում գեղեցիկ ու հանգստավետ պուրակներ ստեղծելու համար։

ԴԻԱՍՆ 1700-ԱՄՅԱԿԻ